



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-1-40-567-2/24**
Datum: **12.11.2024. godine**

«Agencija za vodno područje rijeke Save» Sarajevo rješavajući po zahtjevu Investitora Admir Hajdarbegović iz Živinica za izdavanje prethodne vodne saglasnosti za aktivnost ispuštanja tehnoloških otpadnih voda sa lokacije administrativno trgovinskog objekta, planiranog za izgradnju u naselju Dubrave Donje, Grad Živinice, na osnovu člana 139. stav 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

R J E Š E N J E

1. Odbija se zahtjev Investitora Admir Hajdarbegović iz Živinica za izdavanje prethodne vodne saglasnosti za aktivnost ispuštanja tehnoloških otpadnih voda sa lokacije administrativno trgovinskog objekta, planiranog za izgradnju u naselju Dubrave Donje, Grad Živinice, na parcelama označenim kao k.č. 232 i 233 K.O. Dubrave Donje, s obzirom da za predmetnu aktivnost nije propisana obaveza pribavljanja vodnih akata od strane ove Agencije.
2. Ukoliko tokom korištenja objekta dođe do promjene namjene istog, a pri čemu će dolaziti do produkcije i ispuštanja tehnoloških otpadnih voda u površinske vode ili okoliš, Investitor je dužan da pribavi vodne akte od nadležnog organa.

O b r a z l o ž e n j e

Investitor Admir Hajdarbegović se obratio zahtjevom bez broja dana 04.11.2024. godine za izdavanje prethodne vodne saglasnosti za aktivnost ispuštanja tehnoloških otpadnih voda sa lokacije administrativno trgovinskog objekta, planiranog za izgradnju u naselju Dubrave Donje, Grad Živinice, na parcelama označenim kao k.č. 232 i 233 K.O. Dubrave Donje.

U postupku dostavljena je i pregledana sljedeća dokumentacija:

- Ovjerena kopija lične karte Admir Hajdarbegović iz Živinica;
- Punomoć za Pilavdžić Sedinu iz Živinica od 01.11.2024 godine;
- Ovjerena kopija katastarskog plana, razmjera 1:1000, broj plana 3., UR broj: 04/13-26-5619/2024-3 od 30.10.2024. godina izdato od Službe za urbanističko planiranje, komunalne, geodeske i imovinsko-pravne, Grad Živinice;
- Ovjerena kopija zemljišnoknjižnog izvotka broj: 033-0-NAR-24-004998 od 31.10.2024 godine, zk.uložak broj: 2036, K.O. Dubrave Donje, Općinski sud u Živicama;
- Dokaz o uplaćenju upravnoj pristojbi;
- Uvjerjenje broj: 04/11-19-1300/2023 V 04/11-19-4109/2022 od 15.03.2023. godine izdato od strane Službe za urbanističko planiranje, komunalne, geodetske i imovinsko-pravne, Grad Živinice;
- Posjedovni list broj 1651 broj: 04/13-26-5618/24-2 od 30.10.2024 godine izdat od strane Službe za urbanističko planiranje, komunalne, geodetske i imovinsko-pravne, Grad Živinice;
- Studija u postupku pribavljanja prethodne vodne saglasnosti za administrativno trgovinskog objekta u naselju Dubrave Donje, Grad Živinice, investitor Admir Hajdarbegović iz Živinica, urađena od strane „ATRIUS“ d.o.o. Živinice.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Na osnovu dostavljene dokumentacije utvrđeno je sljedeće:

Lokacija administrativno trgovinskog objekta se nalazi u naselju Dubrave Donje, Grad Živinice, na parcelama označenim kao k.č. 232 i 233 K.O. Dubrave Donje.

Predmetna parcela je udaljena cca 6,9 m od bezimenog potoka koji protiče uz parcelu a ulijeva se u rijeku Spreču.

Snabdijevanje vodom za potrebe predmetnog objekta će se obezbijediti priključkom na gradsku vodovodnu mrežu a prema saglasnosti i uslovima organa koji upravlja sistemom JP Vodovod i kanalizacija d.o.o. Živinice.

Namjena administrativno trgovinskog objekta je prodaja i skladištenje manjih količina raznih roba namijenjenih prodaji. U studiji je navedeno da neće biti skladištenje roba koje bi mogle imati negativan uticaj na vode.

Eventualno rasipanje raznih zrnastih i praškastih materija usljed oštećenja ambalaže će se odlagati u zatvorene posude za otpad i zbrinjavati na gradsku deponiju kao otpad.

Održavanje objekta će se vršiti suhim putem.

U studiji je navedeno da ne nastaju tehnološke otpadne vode. Na predmetnoj lokaciji će nastajati sanitarne otpadne vode koje će zbrinjavati u septičku jamu bez preliva i oborinske vode koje se smatraju nezagađenim i iste će se ispuštati u bezimeni potok.

U studiji je takođe navedeno da na predmetnoj lokaciji neće biti značajnog prometa vozila.

Na predmetnoj lokaciji ne nastaju oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20, 96/20 i 1/24).

Kako u predmetnom objektu ne nastaju tehnološke otpadne vode kao rezultat tehnološkog postupka, kao ni oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20, 96/20 i 1/24), odnosno nema ispuštanja tehnoloških otpadnih voda u smislu odredbi člana 139. stav 1. tačka (3). Zakona o vodama („Službene novine Federacije BiH“, broj 70/06), u skladu s članom 200. Zakona o upravnom postupku („Službene novine Federacije BiH“, broj 2/98, 48/99) riješeno je kao u dispozitivu rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Ahmedić Behija dipl.inž.tehn.

Po ovlaštenju
Rukovodilac sektora za izdavanje
vodnih akata



Nihad Pezo, dipl.inž.građ.

Dostaviti:

- Admir Hajdarbegović, Dubrave Donje bb, Grad Živinice
- Sedina Pilavdžić (advokat), Ul. Maršala Tita br. 21., Grad Živinice
- ⊖ AVP Sava, ISV-vodna knjiga
- Sektor 40 – arhiva
- Oglasna ploča – AVP Sava